

清・鄭文康 編

產寶百問



清・鄭文康 編

產寶百問





## 產寶百問 · 解題

清·鄭文康編。成書於清末。

是書爲婦產科專書。此處所錄爲卷下的『君臣佐使』、『隨時用藥法』、『用藥身根梢法』、『用藥生熟法』、『用湯散丸等藥法』、『用煎藥活法』、『服藥活法』、『六經引藥』、『六經瀉火藥』諸論。今據公元一九八三年泰州新華書店影印之傳抄本再影印。

(王咪咪)





產寶百問下卷

君臣佐使

上品無毒之藥為君中品小毒之藥為臣下品大毒之藥為佐使此本草論藥之性體也主病者為君攝君者為臣應臣者為佐使此內經用藥之正道也假如治諸熱則以黃芩黃連為君治諸寒則以乾姜附子為君治表實則以麻黃柴胡為君治表虛則以升麻乾姜為君裏實則以大黃朴硝為君裏虛則以甘草白朮為君諸風則以防風為君諸濕則以蒼朮防己為君治諸痰則以半夏南星為君治諸血則以當歸為君治諸氣則以陳皮枳殼為君君藥分兩多臣藥次之佐使又次之不可令臣過於君君臣有序一相與攝宜可以除病

產寶百問

君臣佐使

二

### 隨時用藥法

內經曰必先歲勿伐天和又升降浮沈則順之寒熱溫涼則逆之凡用藥須看時令春加川芎夏加苓連秋加茯苓冬加乾姜假春月有疾加清涼藥如川芎防風柴胡荆芥紫蘇薄荷之類夏月有疾加大寒藥如乾葛石膏薄荷黃連山梔柴胡之類冬月有疾加辛熱藥如麻黃桂枝乾姜附子之類是不絕生化之源也如病與時違又當隨機應變不可俱此例也

產寶百問

隨時用藥法

三

### 用藥身根梢法

根之在上者中半以上氣脈之上行以生苗者為根中半以下氣脈之下行也以入上者為梢病在上焦用根中焦用身下焦用梢經曰根升梢降人身半以上天之陽也用頭中焦用身身半以下地之陰也用梢以類象形也

用藥生熟法

黃連黃芩黃柏知母治病在頭面及手指皮膚者須酒炒之借酒加力以上升也治在咽喉之下膈之上者須酒浸之治在下者生用乃熟升生降之意也大黃酒煨恐傷胃氣凡胃宜溫不宜寒烏頭附子須炮以制其毒當歸須酒浸助發散之意也

用湯散丸等藥法

服煎藥取清汁易行經絡若治至高之病加酒煎去濕以生姜補元氣以大棗解渴以烏梅清心以燈草行氣以砂仁開胃以陳倉米瀉腸以粟散穀風寒以蔥白去膈上痰以蜜竅痰以竹瀝姜汁下膈間瘀血以韭汁止血以茅根汁竊節汁京墨利小水以淡竹葉止汗以浮小麥欲藥下行入以鹽活血以童便細末藥則不循絡經止去胃中及臟腑之積氣味厚者白湯調藥薄者煎之去渣服去下部之疾及補藥其丸藥宜大而先且圓治中焦者次之上焦者極小麤

糊丸取其化遲丸及滴水為丸取其化速發丸取其化遲而循經絡蠟者取其化遲而效亦遲大抵湯者去大病用之湯也散者去急病服之散也丸者舒緩而治之緩也

產寶百問

用湯散丸等藥法

五

用煎藥法

煎藥用銀石器煎淨新汲水入如藥一劑重五錢用水一鍾一兩用水二鍾重一兩五錢者又加半鍾如劑多而水少則藥味不能全出水多而劑少又煎耗太過而藥無力以濕紙封固勿令泄氣須得恭誠之人看守若發汗之藥必用緊火煎熟服攻下藥亦緊火煎瀝淨後下硝黃再煎二三沸溫服陰寒病急者亦宜緊火煎如陽狂燥煩者水中沈冷服補虛清順之藥俱宜慢火煎煎取清汁易行經絡而去病若濃濁則藥力不行反滯而為害也

服藥活法

病在胸膈以上者先食後徐徐服病在中者食遠服  
病在下者空心服以達下也病在四肢血脈者宜飢  
食而在旦病在骨髓者宜飽食而在夜若嘔吐而藥  
不納者必徐徐而進不可太急凡在上病不厭頻而  
少病在下不厭頻而多少服則滋榮於上多服則峻  
補于下

產寶百問

服藥活法

六

六經引藥

|           |           |
|-----------|-----------|
| 足太陽膀胱經羌活  | 手太陽小腸經黃柏  |
| 足陽明胃經升麻白芷 | 手陽明大腸經石膏  |
| 足少陽胆經柴胡   | 手少陽三焦經青皮  |
| 足太陽脾經白芍   | 手太陽肺經桔梗   |
| 足少陰心經黃連   | 足厥陰心包絡經柴胡 |

六經瀉火藥

心火黃連

小腸火木通

脾火白芍

胃火石膏

腎火知母

肺火桔梗黃芩山梔佐之

肝火柴胡黃連佐之

膀胱火黃柏

大腸火黃芩

三焦火柴胡黃芩

胆火柴胡黃連

無根大玄參

屈曲火山梔

產寶百問

六經引藥 六經瀉火藥

七

